

容

# 庶物類纂

草屬

自六至八

太政官文庫			
和書門	特別	一二三六二號	第一
		第五十番函	
		四六五册	

五十七内

共册

内閣文庫			
番號	和	32362	
册數	465	( 5 )	
函號	特	54	1



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

© Kodak, 2007 TM: Kodak



周知





防風葵



庶物

前胡



類纂草屬卷之六目次

庶物類纂

卷六

草屬目次



羌活

一名獨活神農本草一名羌青同上一名護羌使者

同上一名胡王使者名醫別錄一名獨搖草同上

山前獨活本草圖經

俗名施施烏獨山城州又名烏獨貌篤已同上





羌活

獨活陶隱居云藥名無豚實恐是蠶實此州郡縣並是羌活羌活形細而多節軟潤氣息極猛烈出益州北部西川為獨活色微白形虛大為用亦相似而小不如其一莖直上不為風搖故名獨活至易蛀宜密器藏之嘉祐補註本草

獨活羌活出雍州川谷或隴西南安今蜀漢出者佳春生苗葉如青麻六月開花作叢或黃或紫結實時葉黃者是夾石上生葉青者是土脈中生此草得風



不搖無風自動故一名獨搖草二月八月採根暴乾用本經云二物同一類今人以紫色而節密者為羌活黃色而作塊者為獨活一說按陶隱居云獨活生西川益州北部色微白形虛大用與羌活相似今蜀中乃有大獨活類桔梗而大氣味亦不與羌活相類用之微寒而少效今又有獨活亦自蜀中來形類羌活微黃而極大收時寸解乾之氣味亦芳烈小類羌活又有槐葉氣者今京下多用之極效驗意此為真者而市人或擇羌活之大者為獨活殊未為當大抵

此物有兩種西蜀者黃色香如蜜隴西者紫色秦隴人呼為山前獨活古方但用獨活今方既用獨活而又用羌活茲為謬矣

本草圖經

獨活以羌中來者為良故有羌活胡王使者諸名乃一物二種也正如川芎撫芎白朮蒼朮之義入用微有不同後人以為二物者非矣

明李東璧本草綱目

獨活羌活乃一類二種以中國者為獨活西羌者為羌活蘇頌所說頗明按王貺易簡方云羌活須用紫色有蠶頭鞭節者獨活是極大羌活有白如鬼眼者



尋常皆以老宿前胡為獨活者非矣近時江淮山中  
出一種土當歸長近尺許白肉黑皮氣亦芬香如白  
芷氣入亦謂之水白芷用充獨活解散亦或用之不  
可不辨同上

獨活曰羌青曰護羌使者曰胡王使者曰獨搖草得  
風不搖無風自動雖與羌活異條而亦曰羌活宋鄭

昆蟲草  
木畧

王右軍帖云獨活無風則搖有風不動石脾入水則  
乾出水則溼出水則溼可見入水則乾何自知之近

年夷堅成志序其畧云葉晦叔聞於劉季高有估客  
航海不覺入巨魚腹中未能死遇其開口吸水時適  
木工在乃取斧斫斫魚魚覺痛躍身入大洋舉船人  
及魚皆死或戲難之曰一舟皆死何人談此事於世  
乎類前說宋周輝清  
清波雜誌

婦人疾莫大於產蓐倉卒為庸醫所殺者多矣亦不  
素講故也舊嘗見杜任作醫準一卷其一記郝貢子  
婦產四日瘕癢戴眼角弓反張任以為瘕病與大豆  
柴胡湯獨活湯而愈政和間余妻纔分娩猶在蓐中




忽作此症，頭足反接，相去幾一尺，家人驚駭，以數婢強拗之，不直，適記此方，而藥囊有獨活，乃急為之召醫，未至，連進幾劑，遂能直，醫至，則愈矣，更不復用大豆柴胡湯，不可不廣告人，二方皆在千金第三卷。宋葉

少蘊避暑錄話

獨搖有八：一羌活，一鬼臼，一鬼督郵，一天麻，一薇蕒，一白楊，一柤楊，又媚藥有無風獨搖草，又抱朴子云：獨搖芝，一名薇蕒，智攷薇蕒，即糜蕒，白楊，即柤楊，除此共八。明方以智通雅

獨搖草，一名獨活，多生於嶺南及蜀漢川谷中，春生苗葉，夏開小黃花，一莖直上，有風不動，無風自搖，其頭如彈子，尾若鳥尾，而兩片關合，間每見人，輒自動，搖俗傳佩之者，能令夫婦相愛，雖非異卉，亦自有一種風致，可取根入藥用。清陳湜子秘傳花鏡

按本經止有獨活之條，謂其為一名羌活，一名羌青，一名護羌使者是也，因此種生於雍州川谷，或隴西南，竝是羌地，故本經所謂羌活者，即是獨活，非二種也，然陶隱居言羌活出羌地，而益州西川者為獨活。





是又一物而二種矣時珍歷據先哲諸說而曰獨活羌活乃一類二種以中國者為獨活西羌者為羌活正如川芎撫芎白朮蒼朮之義入用微有不同後人以為二物者非矣愚謂既云非一物即當根據本經以為用奈何鶻突復以羌活屬羌獨活屬蜀就異地之所產分之為二乎但川中所產或另是一種獨活並屬可用耳今尊本經以獨活居前而後亦另出羌活因其用之有別難以濠同論也

清劉若金本草述

前胡

俗名他尼石里

山城州



前胡

前胡陶隱居云前胡似此胡而柔軟為療殆欲同而本經上品有此胡而無此晚來醫乃用之亦有畏惡明畏惡非盡出本經也此近道皆有生下溼地出吳興者為勝臣禹錫等謹按藥性論云前胡使味甘辛能去熱實下氣主時氣內外俱熱單煮服佳日華子云治一切勞下一切氣止嗽破癥結開胃下食通五藏主霍亂轉筋骨節煩悶反胃嘔逆氣喘安胎小兒一切疝氣越衢發陸等處皆好七八月採外黑裏白



嘉祐補  
注本草

前胡舊不著所出州土今陝西梁漢江淮荆襄州郡  
及相州孟州皆有之春生苗青白色似斜蒿初出時  
有白芽長三四寸味甚香美又似芸蒿七月內開白  
花與蔥花相類八月結實根細青紫色二月八月採  
暴乾今鄜延將來者大與紫胡相似但柴胡赤色而  
脆前胡黃而柔軟不同耳一說今諸方所用前胡皆  
不同京師北地者色黃白枯脆絕無氣味江東乃有  
三四種一種類當歸皮斑黑肌黃而脂潤氣味濃烈

一種色理黃白似人參而細短香味都微又有如草  
烏頭膚黑而堅有兩三岐為一本者食之亦戟人咽  
喉中破以薑汁漬搗服之甚下膈解痰實然皆非前  
胡也今最上者出吳中又壽春生者皆類柴胡而大  
氣芳烈味亦濃苦療痰下氣最要都勝諸道者本草  
圖經  
前胡按孫愐唐韻作湔胡名義未解明李東璧  
本草綱目  
前胡有數種惟以苗高一二尺色似斜蒿葉如野菊  
而細瘦嫩時可食秋月開黦白花類蛇牀子花其根  
皮黑肉白有香氣為真大抵北地者為勝故方書稱



北前胡云同

前胡生陝西漢梁江淮荆襄江寧成州諸郡相孟越  
 衢婺睦等州皆有今密縣梁家衝山野中亦有之苗  
 高一二尺青白色似斜蒿味甚香美葉似野菊葉而  
 瘦細頗似山蘿蔔葉亦細又似芸蒿開豔白花類蛇  
 牀子花秋間結實根細青紫色一云外黑裏白味甘  
 辛微苦性微寒無毒半夏為之使惡早莢畏藜蘆救  
 飢採葉煤熟換水浸淘淨油鹽調食明徐光啓  
 農政全書

前胡似苾胡而柔軟八閩  
通志

前胡色似斜蒿葉如野菊而細瘦重修靖  
江縣志

前胡即全胡清釋傳傑  
癘瘍全書





防風

一名銅芸神農本草 一名苧草名醫別錄 一名百枝同上

一名屏風同上 一名蔞根同上 一名百蜚同上

珊瑚菜本草綱目 一名山花菜重修鎮江府志

俗名也埋尼摩施摩近江州 又名也埋折里同上  
又名客華賴尼摩施摩伊勢州



防風

防風陶隱居云郡縣無名沙苑今第一出彭城蘭陵  
 即近琅邪者鬱州互市亦得之次出襄陽義陽縣界  
 亦可用即近上蔡者惟實而脂潤頭節堅如蝮蛇頭  
 者為好俗用療風最要道方時用唐本注云今出齊  
 州龍山最善淄州兗州青州者亦佳葉似牡蒿附子  
 苗等別錄云义頭者令人發狂义尾者發痼疾子似  
 胡荽而大調食用之香而療風更優也沙苑在同州  
 南亦出防風輕虛不如東道者陶云無沙苑誤矣襄



陽義陽上蔡元無防風陶乃安注爾臣禹錫等謹按  
蜀本圖經云葉似牡蒿白花八月九月採根嘉祐補註本草  
防風生沙苑川澤及邯鄲上蔡今京東淮浙州郡皆  
有之根土黃色與蜀葵根相類莖葉俱青綠色莖淡  
而葉淡似青蒿而短小初時嫩紫作菜茹極爽口五  
月開細白花中心攢聚作大房似蒔蘿花實似胡荽  
而大二月十月採根暴乾關中生者三月六月採然  
輕虛不及齊州者良又有石防風出河中府根如蒿  
根而黃葉青花白五月開花六月採根暴乾亦療頭

風眩痛又宋毫間及江東出一種防風其苗初春便  
生嫩時紅紫色彼人以作菜茹味甚佳然云動風氣  
本經云葉主中風熱汗出與此相反恐別是一種耳  
本草圖經

防風江淮所產多是石防風生于山石之間二月采  
嫩苗作菜辛甘而香呼為珊瑚菜其根粗醜其子亦  
可種吳綬云凡使以黃色而潤者為佳白者多沙條  
不堪明李東璧本草綱目  
防風一名銅芸一名苘草一名百枝一名屏風一名



簡根一名百蜚生同州沙苑川澤邯鄲琅邪上蔡陝  
 西山東處處皆有今中年田野中亦有之根土黃色  
 與蜀葵根相類稍細短莖葉俱青綠色莖淡而葉淡  
 葉似青蒿葉而闊大又似米蒿葉而稀疎莖似茴香  
 開細白花結實似胡荽子而大味甘辛性溫無毒殺  
 附子毒惡乾薑藜蘆白斂芫花又名石防風亦療頭  
 風眩痛又有叉頭者令人發狂叉尾者發癩疾救飢  
 採嫩苗葉作菜茹燂熟極爽口明徐光啓  
農政全書  
 大原晉陽以北生屏風草晉張華  
博物志

青州防風子可亂畢撥唐段成式酉  
陽雜俎續集

雞頭一斗用防風四兩換水浸之久久益佳他果煮  
 以防風水浸之經月不壞陳彥和每用之至和初京  
 師大疫大醫進方有用犀角內出二株解之其一即  
 通天犀也內侍御舜舉請以為御所服帶上曰豈急  
 於服御而不以療民立命碎之鐵錘碾金銀百十年  
 不壞以椎卓角則一夕碎破鞭以篋馬愈久愈潤以  
 擊杖隨即折裂宋劉跂  
暇日記  
 防風苗色紅如燕脂可作殖宋陸游劔  
南詩藁



山花菜生巖石間紅瑩可愛味辛爽或云即防風苗

重修鎮江府志

防風一名苧草根黃莖葉俱青綠色類青蒿差短小

江陰縣志

防風葉似青蒿而矮根與蜀葵相類種法與種菜同

五月開細白花心攢聚如蔞蘿子如胡荽苗可食

爽口去風清石巖逸叟增定致富奇書

防葵

一名黎蓋神農本草一名房慈名醫別錄一名爵離同上

一名農果同上一名利茹同上一名方蓋同上

俗名樹防風



防葵

防葵陶隱居云北信斷今用建平間者云本與狼毒同根猶如三建今其形亦相似但置水中不沈爾而狼毒陳久亦不能沈矣唐本注云此藥上品無毒久服主邪氣驚狂之患其根葉似葵花子根香味似防風故名防葵採依時者亦能沈水今乃用枯朽狼毒當之極為謬矣此物亦稀有襄陽望楚山東及興州西方有之其興州採得乃勝南者為鄰蜀土也

嘉祐補註

草本



防葵生臨淄川谷及嵩高少室泰山蘇恭云襄陽望楚山東及興州西方有之其興州採得乃勝南者為鄰蜀土也今惟出襄陽諸郡不聞有之其葉似葵每莖三葉一本十數莖中發一莖其端開花如蔥花景天輩而色白根似防風香味亦如之依時採者乃沈水陶隱居云與狼毒同根但置水不沈耳今乃用枯朽狼毒當之極為謬矣三月三日採六月開花即結實採根為藥本草圖經陳藏器云按此二物一是上品而陶云防葵與狼毒

根同但置水中不沈爾然此二物善惡不同形質又別陶既為此說後人因而用之防葵將以破堅積為下品之物與狼毒同功今古因循遂無甄別此殊誤也宋唐慎微證類本草

防葵唐時隴西成州貢之蘇頌所說詳明可據明李東璧本草綱目

防葵乃神農上品藥黃帝岐伯桐君雷公扁鵲吳普皆言其無毒獨別錄言中火者服之令人恍惚見鬼陳延之小品方云防葵多服令人迷惑恍惚如狂按



難經云重陽者狂脫陽者見鬼是豈上品養性所宜乎是豈寒而無毒者乎不然則本經及蘇恭所列者是防葵功用而別錄所列者乃似防葵之狼毒功用非防葵也狼毒之亂防葵其來亦遠矣不可不辨古方治蛇瘕鼈瘕大方中多用防葵皆是狼毒也同上

庶物類纂草屬卷之七目次

- 三蔓草
- 三枝九葉草
- 小草
- 黃連總
- 菊葉黃連
- 雉尾葉黃連



本草綱目卷之七

三蔓草

一名巴戟天神農本草 一名不凋草本草圖經 一名老

鼠刺溫州府志

本草綱目卷之七

草屬 三蔓草 一



本草綱目卷之七

三蔓草

巴戟天陶隱居云今亦用建平安都者狀如牡丹而細外赤內黑用打去心唐本注云巴戟天苗俗方名三蔓草葉似茗經冬不枯根如連珠多者良宿根青色嫩根白紫用之亦同連珠肉厚者為勝臣禹錫等謹按藥性論云巴戟天使能治男子夜夢鬼交泄精強陰除頭面中風主下氣大風血癩病人虛損加而用之日華子云味苦安五藏定心氣除一切風治邪氣療水腫又名不凋草色紫如小念珠有小孔子堅

本草綱目

卷之七

草屬

三蔓草

二



硬難壽 嘉祐補註本草

巴戟天生巴郡及下邳山谷今江淮河東州郡亦有之皆不及蜀川者佳葉似茗經冬不枯俗云三蔓草又名不凋草多生竹林內內地生者葉似麥門冬而厚大至秋結實二月八月採根陰乾今多焙之有宿根者青色嫩根者白色用之皆同以連珠肉厚者勝今方家多以紫色為良蜀人云都無紫色者彼方人採得或用黑豆同煎欲其色紫此殊失氣味尤宜辨之一說蜀中又有一種山律根正似巴戟但色白土

人採得以醋水煮之乃紫以雜巴戟莫能辨也真巴戟嫩者亦白乾時亦煮治使紫力劣弱不可用今兩種市中皆是但擊破視之其中紫而鮮潔者偽也真者擊破其中雖紫又有微白粉如粉色理小暗也本經圖

謹按本草述云米屑為糝

巴戟天本有心乾縮時偶自落或可以抽摘故中心或空非自有小孔子也今人欲要中間紫色則多偽以大豆汁沃之不可不察外堅難滌故先從中間紫



色宋寇宗奭本草衍義

天巴戟本草云出歸州山谷中微溫無毒二八月可

採湖廣總志

巴戟即老鼠刺根溫州府志

三枝九葉草

一名淫羊藿神農本草一名剛前同上一名黃連祖

吳普本草一名千兩金同上一名乾雞筋同上一名放

枝草同上一名棄杖草同上一名仙靈脾本草圖經

俗名異革里忽索山城州



本草綱目卷之七

三枝九葉草

淫羊藿陶隱居云服此使人好為陰陽西川北部有淫羊一日百遍合蓋食藿所致故名淫羊藿唐本注云此草葉形似小豆而圓薄莖細亦堅所在皆有俗名仙靈脾者是也

嘉祐補註本草

淫羊藿俗名仙靈脾生上郡陽山山谷今江東陝西泰山漢中湖湘間皆有之葉青似杏葉上有刺莖如粟稗根紫色有鬚四月開花白色亦有紫色碎小獨頭子五月採葉曬乾湖湘出者葉如小豆枝莖緊細

本草綱目卷之七

草屬

三枝九葉草

二



本草綱目卷之七

經冬不凋根似黃連關中俗呼三枝九葉草苗高一  
二尺許根葉俱堪使本草  
圖經

淫羊藿生太山中一根數莖莖粗如線高一二尺一  
莖三極一極三葉葉長二三寸如杏葉及豆藿面光  
背淡甚薄而細齒有微刺明李東璧  
本草綱目

別錄曰淫羊藿出上郡陽山山谷今所在皆有蘇氏  
曰今江東陝西泰山漢中湖湘間亦有李氏曰一根  
數莖莖細極堅高二三尺一莖三極一極三葉長二  
三寸如豆藿葉如杏葉面光背淡邊有細齒薄而有

刺四月開花白色亦有紫色者碎小獨頭經冬不凋  
根似黃連色紫多鬚羊食此草而淫故曰淫羊藿以  
形似葉也蜀本草言生處不聞水聲者更良修治以  
夾刀夾去葉四畔花枝用酒浸曬乾用明倪朱謨  
本草彙言  
仙靈脾本草名淫羊藿一名剛前俗名黃德祖千兩  
金乾雞筋放杖草棄杖草俗又呼三枝九葉草生上  
郡陽山山谷及江東陝西泰山漢中湖湘汾州等郡  
并永康軍皆有之今密縣山野中亦有苗高二尺許  
莖似小豆莖極細緊葉似杏葉頗長近蒂皆有一缺

本草綱目卷之七

草屬 三枝九葉草 三



又似菜豆，葉亦長而光，稍間開花，白色亦有紫色。花  
作碎小獨頭子，根紫色，有鬚形類黃連狀，味辛性寒。  
一云性溫無毒，生處不聞水聲者良。暮預紫芝為之  
使，救飢採嫩葉，燂熟水浸去邪味，淘淨油鹽調食。  
明徐  
光啟農政全書  
謹按黃德祖本草作黃連祖

小草

一名萹繞爾雅 一名棘莞同上 一名遠志神農本草  
名細草同上



小草

萋繞 赫菟 爾雅○萋烏了切菟音寃

今遠志也似麻黃赤華葉銳而黃其上謂之小草廣

雅云 晉郭璞爾雅註

藥草也萋繞一名赫菟郭云今遠志也似麻黃赤華

葉銳而黃其上謂之小草廣雅云者案本草遠志一

名細草其葉名小草陶注云小草狀如麻黃而青今

注云遠志莖葉似大青而小廣雅云赫菟遠志也其

上謂之小草是也 宋邢昺爾雅疏



萹菹音杏寃遠志也

宋鄭夾添爾雅註

遠志陶隱居云按藥名無齊蛤恐是百合寃句縣屬  
兗州濟陰郡今猶從彭城北蘭陵來用之可去心取  
皮今用一斤正得三兩皮爾市者加量之小草狀似  
麻黃而青遠志亦入仙方藥用唐本注云藥錄下卷  
有齊蛤即齊蛤元有不得言無今陶云恐是百合非  
也今注遠志莖葉似大青而小比之麻黃陶不識爾  
臣禹錫等謹按爾雅云萹繞棘菹注今遠志也似麻  
黃赤莖葉銳而黃其上謂之小草

嘉祐補註本草

遠志生泰山及寃句川谷今河陝京西州郡亦有之  
根黃色形如蒿根苗名小草似麻黃而青又如萹豆  
葉亦有似大青而小者三月開花白色根長及一尺  
四月採根葉陰乾今云曬乾用泗州出者花紅根葉  
俱大於它處商州者根又黑色俗傳夷門遠志最佳  
古方通用遠志小草今醫但用遠志稀用小草  
遠志有大葉小葉二種陶弘景所說者小葉也馬志  
所說者大葉也大葉者花紅

明李東壁本草綱目

本草圖經

遠志主益智惠而強志故以為名一名萹繞一名棘



菟其葉名小草亦曰其細小也萋烏了反音杏菟大元反○唐顏師古急

注就篇

遠志一名棘菟一名萋繞一名細草生太山及宛句川谷河陝商齊泗州亦有俗傳夷門遠志最佳今密縣梁家衝山谷間多有之苗名小草葉似石竹子葉又極細開小紫花亦有開小紅白花者根黃色形如蒿根長及一尺許亦有根黑色者根葉俱味苦性溫無毒得茯苓冬葵子龍骨良殺天雄附子毒畏珍珠藜蘆蜚蠊齊蛤蟻螬救飢採嫩苗葉燂熟換水浸去

苦味淘淨油鹽調食及掘取根換水煮浸淘去苦味去心再換水煮極熟食之不去心令人心悶明徐光啓農政

全書



黃連

一名王連

神農本草

一名支連

蔡性論



本草綱目卷七

黃連

黃連陶隱居云巫陽在建平今西間者色淺而虛不及東陽新安諸縣最勝臨海諸縣者不佳用之當布裏按去毛余如連珠俗方多療下痢及渴道方服食長生唐本注云蜀道者麤大節平味極濃苦療渴為最江東者節如連珠療痢大善今澧州者更勝今注醫家見用宜州九節堅重相擊有聲者為勝臣禹錫等謹按蜀本圖經云苗似茶花黃叢生一莖生二葉高尺許冬不凋江左者節高若連珠蜀都者節下不

本草綱目

卷七

草屬

黃連

二



連珠今秦地及杭州柳州者佳嘉祐補註本草

黃連生巫陽川谷及蜀郡泰山今江湖荆夔州郡亦有而以宣城者為勝施黔者次之苗高一尺已來葉似甘菊四月開花黃色六月結實似芥子色亦黃二月八月採根用生江左者根若連珠其苗經冬不凋葉如小雞尾草正月開花作細穗淡白微黃色六七月根緊始堪採本草圖經  
黃連漢末李當之本草惟取蜀郡黃肥而堅者為善唐時以潭州者為勝今雖吳蜀皆有惟以雅州眉州

者為良藥物之興廢不同如此大抵有二種一種根粗無毛有珠如鷹雞爪形而堅實色淡黃一種無珠多毛而中虛黃色稍淡各有所宜明李東壁本草綱目

丙子寒食日寶積長老曇穎言惠州澄海十五指揮使姚歡守把阜民監熙寧中趙熙明知州巡檢姓申者與知監俞懿有隙吏士與監卒忿爭遂告監卒反熙明為閉衙門出申付巡檢往討之歡執杖立監門自巡檢以身任監卒不反乞不交鋒巡檢無以奪為歛兵而止是日微歡惠州幾殆歡今年八十餘以南



安軍功遷雄畧指揮使老于廣州鬢髮不白自言六十歲患癬疥周匝頂踵或教服黃連遂愈久服故髮不白其法以黃連去頭酒浸一宿焙乾爲未蜜丸如桐子大空心日午臨卧酒吞二十九服黃連法○宋蘇東坡文集觀比聞公以眼疾餌黃連至十數兩猶不已不知果然否審如所聞殆不可也觀頃年血氣未定頗好方術之說讀醫經數年嘗記釋者云服黃連苦參久而反熱甚以爲不然後乃信之蓋五味入胃各歸其所喜故苦先歸心酸先歸肝甘先歸脾辛先歸肺鹹先

歸腎入肝則爲溫入心則爲熱入肺則爲清入腎則爲寒入肝則爲至陰而血氣兼之皆爲增其氣不已臟氣有所偏勝則必有所偏絕黃連苦參性雖大寒然其味至苦入胃則先歸於心久而不已則心火勝火勝則熱乃其理也眼疾之生本於肝之熱肝與心爲子母夫心爲子肝爲母心火也肝亦火也腎孤臟也人嘗患一水不勝二火今病本於肝而久餌苦藥使心有所偏勝是所謂以火救火命之曰益多其不可亦明矣夫藥所以療疾其過也適所以爲疾聞比



初作時十已損其七八正宜節藥慎護飲食以俟其  
自平非如決疣潰癰可以忽然一朝去也輒具以進  
惟留意而聽之無忽秦觀與喬希聖論黃連書○宋張杲醫說

黃連頭即藥中黃連采頭鹽醃曬乾入茶最佳或熟

食亦美明高濂野菽品

黃連葉如小雉尾草經冬不凋八閩通志

黃連九節者佳温州府志

黃連本草貴宣連今黃山所產是也時重川連而南  
楚辰播皆是愚在城步辰陽見人取之是雞爪類高

守恒曰邛州黃連長尺粗如筋或如小指雅閬巴皆

小雞爪愚按雲貴連皆無毛諸深山連皆有毛生溪

石上葉似小芹而冬不凋但其味更苦耳瀉心生用

餘可吳萸薑製清皖桐方氏物理小識



本草綱目  
卷七

菊葉黃連

本草綱目  
卷七

草屬 菊葉黃連 一




菊葉黃連

黃連臣禹錫等謹按蜀本圖經云苗似茶花黃叢生  
 一莖生三葉高尺許冬不凋江左者節高若連珠蜀  
 都者節下不連珠今秦地及杭州柳州者佳嘉祐補  
 註本草  
 黃連生平陽川谷及蜀郡泰山今江湖荆夔州郡亦  
 有而以宣城者為勝施黔者次之苗高一尺已來葉  
 似甘菊四月開花黃色六月結實似芹子色亦黃二  
 月八月採根用本草  
 圖經  
 雲貴連皆無毛諸溪山連皆有毛生溪石上葉似小




庶物類纂 卷七

芹而冬不凋但其味更苦耳  
清皖桐方氏  
物理小識



雉尾葉黃連



庶物類纂 卷七

草屬 雉尾葉黃連



雉尾葉黃連

黃連生江左者根若連珠其苗經冬不凋葉如小雉尾草正月開花作細穗淡白微黃色六七月根繁始

堪採本草圖經

黃連葉如小雉尾草經冬不凋八閩通志



庶物類纂  
卷之八

庶物類纂草屬卷之八目次

苦參

白頭翁

三七

玄參

庶物類纂  
卷之八

草屬目次



本草類集卷八

苦參

一名水槐神農本草一名苦蕒同上一名地槐名醫別錄

一名菟槐同上一名驕槐同上一名白莖同上一名

虎麻同上一名岑莖同上一名祿白同上一名陵郎

同上

俗名忽賴賴

本草類集卷八

草屬 苦參



本草綱目卷之八

苦參

苦參陶隱居云今出近道處處有葉極似槐樹故有槐名花黃子作莢根味至苦惡病人酒漬飲之多差患疥者一兩服亦除蓋能殺蟲嘉祐補註本草

苦參生汝南山谷及田野今近道處處皆有之其根黃色長五七寸許兩指羸細三五莖竝生苗高三二尺已來葉碎青色極似槐葉故有水槐名春生冬凋其花黃白七月結實如小豆子河北生者無花子五月六月八月十月採根暴乾用本草圖經

藥物類纂 卷八 草屬 苦參 二



苦參有朝士苦腰重久坐旅十餘步然後能行有一將佐謂朝士曰見公日逐以藥措齒得無用苦參否曰始以病齒用苦參已數年此病由苦參入齒其氣味傷腎故使人腰重後有太常少卿舒昭亮用苦參措齒歲久亦病腰自後悉不用腰疾皆愈此皆方書舊不載者有人病遍身風熱細癢痺痛不可忍連胸頸臍腹及近隱皆然涎痰亦多夜不得睡以苦參末一兩皂角二兩水一升揉濾取汁銀石器熬成膏和苦參末為丸如梧桐子大食後溫水服二十至三十

十九次日便愈宋寇宗奭本草衍義

苦參七八月結角如蘿蔔子角內有子二三粒如小

豆而堅明李東璧本草綱目

予一族子舊服芎藭醫鄭叔熊見之云芎藭不可久服多令人暴死後族子果無疾而卒又予姻家朝士張子通之妻因病腦風服芎藭甚久亦一旦暴亡皆予目見者又予嘗苦腰重久坐則旅距十餘步然後能行有一將佐見予曰得無用苦參潔齒否予時以病齒用苦參數年矣曰此病由也苦參入齒其氣傷



腎能使入腰重後有太常少卿舒昭亮用苦參搯齒  
歲久亦病腰自後悉不用苦參腰疾皆愈此皆方書  
舊不載者宋沈存中夢溪筆談

苦參苗高三二尺許葉極似槐春生冬凋其花黃白

七月結實作莢子如小豆根極苦一名地槐一名水

槐八閩通志

苦參出封川木生大苦寒殺蟲肇慶府志

白頭翁

一名野丈人神農本草一名胡王使者同上一名柰

何草名醫別錄一名老公賢藥性賦

俗名肥眉法柰山城又名折葦異索鳥同上又

名計異折伊法柰備前又名紫拔忽賴古索

尾張又名地莫哥法柰信濃又名地哥法柰

同又名捏哥古索筑前



唐本草卷八

白頭翁

白頭翁陶隱居云處處有近根處有白茸狀似人白頭故以為名方用亦療毒痢唐本注云其葉似芍藥而大抽一莖莖頭一花紫色似木堇花實大者如雞子白毛寸餘皆披下似蠹頭正似白頭老翁故名焉今言近根有白茸陶似不識太常所貯蔓生者乃是女萎其白頭翁根甚療毒痢似續斷而扁今按別本注云今處處有其苗有風則靜無風而搖與赤箭獨活同也又今驗此草叢生狀如白薇而柔細稍長葉

雜物類纂卷八

草屬

白頭翁

二



生莖頭如杏葉上有細白毛近根處有白茸舊經陶注則未述其莖葉唐注又云葉似芍藥實大如雞子白毛寸餘此皆誤矣臣禹錫等謹按蜀本圖經云有細毛不滑澤花蕊黃今所在有之二月採花四月採實八月採根皆日乾嘉祐補註本草  
白頭翁生嵩山山谷今近京州郡皆有之正月生苗作叢狀如白薇而柔細稍長葉生莖端上有細白毛而不滑澤近根有白茸正似白頭老翁故名焉根紫色深如蔓菁二月三月開紫花黃蕊五月六月結實

其苗有風則靜無風而搖與赤箭獨活同七月八月採根陰乾用今俗醫用合補下藥服之大暖謹按一本作驗

亦衝入本草圖經

白頭翁生河南洛陽界及新安土山中性溫止腹痛暖腰膝唐本注及藥性論甚詳陶隱居失於不審宜其排叱也新安縣界兼山野中屢嘗見之正如唐本注所說至今本處山中人賣白頭翁丸言服之壽考又失古人命名之意宋寇宗奭本草衍義  
白頭翁處處有之謂之老公鬚根有白茸故名之青囊



藥性賦

白頭翁狀似白薇葉生莖端上有白毛近根處有白茸正似垂白之翁宋鄭夾滌昆蟲草木畧  
白頭翁能殺蟲解毒根身俱用葉如生地黃但此根白花節有白毛如茸然故名清朱鳳台醫學集要

山七

一名山漆本草綱目 一名金不換同上



本草綱目卷八

山七

山七、被人言其葉左三右四故名二七蓋恐不然或云本名山漆謂其能食金瘡如漆黏物也此說近之金不換貴重之稱也

明李東壁本草綱目

山七生廣西南丹諸州番峒溪山中采根暴乾黃黑色團結者狀畧似白及長者如老乾地黃有節味微甘而苦頗似人參之味或云試法以末摻豬血中血化為水者乃真近傳一種草春生苗夏高三四尺葉似菊艾而勁厚有岐尖莖有赤稜夏秋開黃花蕊如



金絲盤紉可愛而氣不香花乾則吐絮如苦蕒絮根  
葉味甘治金瘡折傷出血及上下血病甚效云是二  
七而根大如牛蒡根與南中來者不類恐是劉寄奴  
之屬甚易繁衍上同

此藥近時始出南人軍中用為金瘡要藥云有奇功  
又云凡杖撲傷損瘀血淋漓者隨即嚼爛菴之即止  
青腫者即消散若受杖時先服一二錢則血不衝心  
杖後尤宜服之產後服亦良大抵此藥氣溫味甘微  
苦乃陽明厥陰血分之藥故能治一切血病與騏驎

竭紫鉗相同上同

三七根止血聖藥也近日有活種閩廣帶回者家中  
亦有此種葉如野蒿花黃而小極易生鮮者採葉搗  
爛跌打破碎者按上立止血疼過二三日即愈又不  
潰爛真神草也收葉乾作末亦可治吐血衄血上衝  
者皆宜佐以治藥服之其功效備閱於後治刀斧箭  
傷血出不止者嚼少許菴上即止治婦人血崩看羊  
遠近研一二錢白酒調服吃後四物湯加三七五分  
煎服治吐血用一錢或五分自嚼米湯下或用人參



五分煎服治腸風下血用四物湯加三五分煎服或  
空心用五分調酒服治林瘡瘀血用一二錢嚼爛  
左破上再服一二錢免血攻心治產後血湧用一二  
錢研細水調服即止治跌打青腫不消者用一錢嚼  
細塗患處即愈治害眼十分重者用少許水磨調點  
眼眶內即消治赤白痢疾用一二錢為末米泔水調  
服治虎狼蛇咬用一二錢為末酒調服嚼少許塗患  
處妙治受下蠱毒先吃少許毒即返出治一切瘡毒  
癰疽疼不止者用一二錢為末水調塗之立效

明高濂遵

生八  
騰

三七一名金不換春生苗葉作岐尖莖有赤稜夏秋  
黃花如金絲盤紐可愛止血良藥

肇慶府志

金不換三七天驗仙方三七產於南丹等州深山僻  
處谿洞險阻探取甚難土人得之珍重如金每莖上  
七葉下三根故名三七又名金不換專治血不歸經  
効最莫比治金刃箭傷及跌撲傷損血出不止自嚼  
少許罨患處治血漏崩量等遠近研末一二錢用淡  
白酒或米飲服一二次食或用四物湯加三七五分



煎服亦妙治吐血用一錢或五分自嚼米湯送下或  
入物湯加三七五分煎服腸風下血四物湯加三七  
五分煎服或空心嚼五分溫酒送下杖瘡或刀破瘀  
血取三七隨傷大小嚼菴患處即愈未破先服一二  
錢亦使血不冲心杖後亦宜服之產後血汚不止用  
一二錢碾末水飲調服即止自嚼亦妙男婦誤中打  
傷青腫不消用少許嚼塗患處即消男婦害眼十分  
沉重不開用水磨少許塗眼眶一霄即愈男婦赤白  
痢疾用一二錢研末米泔水調服蛇虎傷用一二錢

研末酒調服嚼少許敷患處立愈治畏人下蠱毒先  
吃少許遇毒毒即返出神效男婦生無名腫毒或癰  
疽等瘡疼痛不止用二三錢研細塗之疼痛立止或  
生瘡毒用醋磨塗立消 明蘇文吾  
醫學彙函  
三七南丹田州出而田州尤妙 廣西  
通志  
三七近自廣中移種來甚易繁治血亦効 紹興  
府志



馬物類集  
卷八

玄參

一名重臺神農本草  
 一名正馬同上  
 一名咸同上  
 一名端同上  
 一名馥草同上  
 一名玄臺名醫別錄  
 一名鹿腸同上  
 一名野脂同上  
 一名黑參本草  
 一名逐馬同上  
 一名山麻青囊藥  
 一名鬼藏同上  
 麻同上

馬物類集

卷八

草屬

玄參

一



本草綱目卷之八

玄參

玄參陶隱居云今出近道處處有莖似人參而長大  
根甚黑亦微香道家時用亦以合香唐本注云玄參  
根苗並臭莖亦不似人參陶云道家亦以合香未見  
其理也今注詳此藥莖方大高四五尺紫赤色而有  
細毛葉如掌大而尖長根生青白乾即紫黑新者潤  
膩合香用之俗呼為馥草酒漬飲之療諸毒鼠瘻陶  
云似人參莖唐本注言根苗並臭蓋未深識爾

草本

嘉祐補註

本草綱目

卷之八

草屬

玄參

二



玄參生河間及寃句今處處有之二月生苗葉似脂  
 麻又如槐桺細莖青紫色七月開花青碧色八月結  
 子黑色亦有白花莖方大紫赤色而有細毛有節若  
 竹者高五六尺葉如掌大而尖長如鋸齒其根尖長  
 生青白乾即紫黑新者潤膩一根可生五七枝三月  
 八月九月採暴乾或云蒸過日乾本草  
 今用玄參正如蘇頌所說其根有腥氣故蘇恭以為  
 臭也宿根多地蠶食之故其中空花有紫白二種明  
東壁本  
草綱目

陶隱居曰生河間川谷及寃句今仁和笕橋山陽近  
 道亦有二月生苗高四五尺其葉有毛莖方而細色  
 青紫葉似芝蔴對生如槐柳尖長邊有鋸齒七月開  
 花青碧八月結子褐色又有白花者莖方而大有節  
 若竹色紫赤葉似烏藥七月開花白色或茄花色形  
 似大薊花端叢刺刺端有鈎最堅且利八月結子黑  
 色其根一株五七枚有腥氣七八月采傍根暴乾老  
 根不用在地者中空或云地蠶食之故也明倪朱謨  
 玄參葉似脂麻又如槐柳細莖青紫色開花青碧色本草彙言



本草綱目卷之八

子黑色八閩通志

玄參莖似人參而長紫赤色葉如掌根甚黑微香江陰

縣志

玄參即山麻青囊藥性賦

玄參二月生苗高四五尺莖方而大作節若竹色紫赤有細毛葉生枝間四四相值形似芍藥七月開花白色或茄花色形似大薊花端叢刺刺端有鈎最堅且利八月結子黑色一種莖方而細色青紫莖似脂麻對生又似槐柳尖長邊有鋸齒七月開花青碧八

月結子黑褐根都科生一根五七枚生時青白乾即

紫黑宜三八月采清劉若金本草述

馥草即玄參葉似芝蔴又如槐柳青紫細莖七月開花青碧色隨結黑子亦有白花莖方大紫赤色而有細毛其節若竹高五六尺葉如掌大而尖長邊如鋸齒其根亦尖長生青白乾即紫黑微香可入藥清陳湜子

秘傳花鏡



庶物類集  
卷八





